

李文忠公全集

朋僚函稿

李文忠公朋僚函稿

卷之三目錄

上曾相

同治二年正月初六日

復曾沅帥

同治二年正月初六日

上曾相

同治二年正月十四日

致喬鶴儕都轉

同治二年正月十五日

上曾相

同治二年正月二十三日

復曾沅帥

同治二年正月二十三日

復李黼堂方伯

同治二年正月二十六日

上曾相

同治二年二月初四日

上曾相

同治二年二月初十日

復吳仲僊漕帥

同治二年二月十五日

上曾相

同治二年二月十六日

復曾沅帥

同治二年二月十六日

上曾相

同治二年二月二十七日

致王少鶴太常

同治二年三月初四日

復羅椒生尙書

同治二年三月初四日

復劉蔭渠制軍

同治二年三月初九日

上曾相

同治二年三月初十日

復左季高中丞

同治二年三月初十日

復彭雪琴侍郎

同治二年三月初十日

上曾相

同治二年三月十七日

致薛覲堂

同治二年三月二十九日

上曾相

同治二年四月初四日

復曾沅帥

同治二年四月初四日

復吳仲僊漕帥

同治二年四月初九日

上曾相

同治二年四月初十日

上曾相

同治二年四月十三日

致曾沅帥

同治二年四月十三日

復彭雪琴侍郎

同治二年四月十三日

上曾相

同治二年四月十四日

上曾相

同治二年四月二十日

致曾沅帥

同治二年四月二十日

致左季高制軍

同治二年四月二十五日

上曾相

同治二年四月二十八日

復曾沅帥

同治二年四月二十八日

復吳仲僊漕帥

同治二年五月初五日

復黃昌歧軍門

同治二年五月十一日

復曾相

同治二年五月十四日

復曾沅帥

同治二年五月十四日

復左季高制軍

同治二年五月二十一日

復曾沅帥

同治二年五月二十五日

上曾相

同治二年五月二十九日

上曾相

同治二年六月初九日

致曾沅帥

同治二年六月十六日

上曾相

同治二年六月十六日

致郭筠僊都轉

同治二年六月二十日

復吳仲僊漕帥

同治二年六月二十四日

上曾相

同治二年六月二十五日

復曾沅帥

同治二年六月二十五日

李文忠公朋僚函稿卷三

全集二之三

桐城吳汝綸編錄

上曾相

同治二年正月初六日

新歲伏惟勳祺增勝爲祝初三日奉去臘二十六日手諭祇承一切季丈奠金發還益深媿常昭初二日來稟尙在苦守誠堪焦念鈔呈台覽前派往福山常勝軍攻陷賊卡壘三座該軍不能紮營又無官軍協守復自撤回與倫所部與程鎮郭松林等進攻太倉洋礮轟倒南門城垣十餘丈該酋目數人白晝樹梯登城被悍賊洋鎗傷斃餘眾退回賊隊乘勢壓下常勝軍遂潰走我軍整隊將賊擊回常勝弁勇傷亡百餘人逕回松郡崑太兩股於除夕元旦分道來撲程學啟等一戰擊走之各營皆紮崑太嘉定之交徐圖進取惟常熟久圍不解實無詞以謝降人潘鼎新劉銘傳皆告

奮勇將帶六營航海進紮福山以冀打通一綫之路嘉湖各賊均調常昭浦東防務少鬆另派春霆部將覃聯陞統五營守金山衛楊鼎勳帶三營守張堰而令劉仲良偕潘劉往福山與昌歧鞠鎮各部師船依護進剿仍調常勝軍炸礮隊鎗隊千人陸續齊進未知果有救否卽占住福山等口亦足分賊勢而固江防如潘劉至彼兵力過單鴻章祇有借雇輪船赴無爲載回兩三營逕往併紮敬祈鑒原運漕旣復東關亦隔大河有蕭毛兩軍橫截又有沅丈各營幫助似樹字五營之去留無甚關係求吾師憫念孤軍僻遠將伯無助速放回蘇千感萬感忠逆本回蘇調兵復擾皖北有常昭固守福山再進程鎮等又各移營進逼亦足牽制上竄之勢也士酉現往香港據稱回時欲赴尊處商軍事問其意云何云將會剿金陵英人與金陵蘇州賊酋頗有往來實言不諱但與

國家亦相和好若漁人之利鷸蚌彼謂如准攻勦內地卽不與賊通此何說耶京倉窘乏奉

旨令上海購運米二十萬石計須銀百萬兩惶急無措奈何俞斌已派黃道查抄並無存銀

復曾沅帥

同治二年正月初六日

去臘十五日奉復一緘計入尊覽連奉賜示敬審新韶介祉沈從九來滬提餉適解滬四萬已先上船稟商師門先濟貴軍之急果能分用多少此非鴻章所敢知矣承屬月協三萬義不可辭惟常勝軍爲英人所脅持辨論月餘僅裁數百人每月需餉仍在五萬以外如期坐索刻不可緩滬上關稅近來因漢九開徵月僅十萬以內釐捐亦不過二十萬稅項以供常勝軍五萬鎮江餉三萬軍火製造兩萬洋兵開銷又數萬釐捐則敝軍水陸十餘萬松滬原

部及各標營將及十萬以入抵出不敷甚鉅不得已各營均發半
餉采購米糧而每石輒四五兩支應漸多咄嗟難辦而唐義渠中
丞復派員坐提每月二萬絲毫無以應命昨奉

廷寄以京倉窘涸飭固根本責令鴻章籌運米二十萬石必不可
缺以每石五兩計之卽須銀百萬兩真不知從何著手海內困窮
已極上海一隅著名繁富月不過三十萬耳而中外垂涎追呼日
至若本省本地不用兵儘數提解戶部請爲發放可也鴻章以窶
人子當暴富之名又自統兩三萬飢疲之卒實在撐持不起儻早
被放黜還我窮命未始非貧而樂矣然在滬一日當竭一日之力
以報我公頃與總局諸君籌商能於捐局中創一名目爲貴軍月
籌萬金亦足了此心願或又謂他省抽釐此間已抽分抽錢何可
再增以斂商怨俟有成議再爲奉聞常昭於十一月二十八日獻

城江北傳言崑太蘇州遂已克復其實太倉內應不曾得手十二月二十八日常勝軍同程鎮舍弟各營進攻太城西人大礮轟塌城垣十餘丈洋酋塞旗以登被悍賊斬落餘眾遂潰幸郭松林等整隊將賊擊回程鎮又於新正初二日擊敗竄賊忠酋率偽聽募潮各王之眾圍攻常昭已月餘游擊周興隆降將駱國忠求援迫切斷難坐視頃派潘道鼎新劉副將銘傳移浦東守卒三千航海赴福山進援恐不足當大股之賊蕭毛兩軍進運漕東關似無爲不須重兵師門肯將樹字慶字等九營還我俾濟孤軍之急感且不朽程鎮與舍弟十數營均進紮崑太之交滬松百里內除常勝軍外竟無兵置守良可危慮然則兵之窮更甚於餉之窮也今之良臣多行不義必自斃公姑待北岸肅清再制伏之

上曾相

同治二年正月十四日

頃奉正月初六日手諭謹悉一一常熟城外石營已被忠逆用洋礮轟陷勢更危急周興隆駱國忠仍督降眾固守但北門外賊開地道恐將轟發昌歧督令各船初旬閒輪攻福山白茅徐六涇各口圍常之賊分添堵禦常城暫少鬆耳潘劉等營聞於十二日駛抵福山不知能否上岸紫壘殊深懸系程學啟郭松林進紫崑太之交跨河立營立足尙穩惟青浦守兵一千嘉城二千此外遂無一兵鴻章僅留春字一營護衛張遇春尙帶該營二百礮隊協剿福山往在上游見數萬兵調度數路猶嫌其少今則二三百里近賊之地止此孤軍往來抽撥窮家實難當也芙蓉嶺有賊則廬江須有防兵蔣軍如進紫柘皋扼含巢總路似勝於遠紫舒城如三河廬江不失賊斷不能飛竄舒城也無爲五營縱不全來似可抽兩三營赴滬有蕭毛在前城內千人似可嬰守此閒如需兵過急

卽請仲良乘輪船逕往無爲調樹銘三營下駛謹先奉商昨奉去臘二十六日

諭旨令薛星使回京候簡鴻章暫行接署通商大臣關防謝

恩疏內擬附片聲明前議或稍遲專疏申請各關各國交涉太多力難兼顧本省洋務隨時籌商處斯時地亦無推諉京倉米涸僭妄陳請湖廣江西酌量購運由輪船拖帶過金陵再從滬換海船運津揆諸吾師體

國公忠當無刺謬惟江楚大吏又不免嘖有煩言也許道身總理南北糧臺手無一篆呼應難靈欲調趙守炳麟來滬籌辦京米捐運而令許道兼署常鎮敬求核示九江茶捐可否留作沅丈軍餉致喬鶴儕都轉

同治二年正月十五日

昨奉惠翰敬審動履勝常泰州一席頃得漕帥來書擬委前如皋

張令接署聞其官聲甚好當能勝任湯令器識沈厚或以簡缺試之容緘請仲帥留心位置江北各屬相距較遠未便輕議舉錯如尊處確有聞見不妨密商漕帥匡其不逮吏治亟須整飭我輩皆當以振興人才挽回風氣爲責任鴻章蒞滬半年得人綦難深爲愧疚吾丈久於斯土夾袋中必多妙選無惜時時詳告爲幸常昭圍困月餘周興隆仍督降眾堅守昌歧率各幫師船輪擊福山楊庫徐六涇各口但能牽制賊勢昨派潘道鼎新劉副將銘傳等統四千人往援福山未卜能否得手太倉屢攻不下敝軍俱調前敵後路空虛良可危慮許緣仲來滬以吳璧山尙能整頓欲將朽爛大船飢疲弁勇裁撤回粵需費一萬數千兩求爲籌濟松滬中外各軍用款繁多實係入不敷出而水營劣卒早撤一日卽地方早受一日之福不得已商屬緣仲由敝處應分捐借四十萬內酌提

借用聞現止數千金敬懇執事與緣仲籌墊速發嚴催各州縣陸續歸款此係奏定之案如有抗玩官可稟撤紳可詳參也復頌新祺餘不一

上曾相

同治二年正月二十三日

十四日寄上一緘諒已入覽潘劉各營於十三到福山海口阻風雨四日十八九日夜登岸於福山上五里紮定營壘賊未敢偏聞於二十日進攻福山賊巢未知果得手否常昭十三日來稟尙在困守惟降眾疲乏時虞地雷轟入圍城之賊作長壘人數不過二三千分堵福山楊林白茅徐六涇各口亦不過二萬餘人昌歧仲良等精心布置或可漸次打進探聞忠逆帶聽王陳炳文二萬餘人赴金陵仍由九洑洲接應巢含而留慕湘兩王之眾圍常昭援崑太若果確實必將出廬壽六各鄉滋擾鴻章從前在巢含帶勇

三年略知該處形勢欲堵其西竄北竄以柘皋爲總匯扼要之區
有三千精兵必可自守前請師門移蔣之純一軍進駐能見允否
廬江無爲有守兵又有蕭毛二軍游擊集湖東南斷可無慮惟西
北無一勁旅守廬城之兵相去絕遠張得勝梁縣石塘橋一軍亦
不甚得勁設忠逆分股續竄皖北越廬城而西後患甚大如柘皋
有兵進可合圍巢含止可遮蔽竄路似得遠勢而伐敵謀伏祈核
斷速行鴻章繫懷桑梓苟有聞見敢不上陳六弟來書以師意允
令樹字五營來滬調韋軍接守無爲果否鴻章前與仲良議訂如
福山力孤難支卽放輪船赴無爲商接三營救急若非萬不得已
豈肯輕棄故土亮荷曲宥該五營如由旱路繞來求咨行都李各
處以免阻難許道身兩臺不可無一篆趙署道因該關每年須虧
累七八萬久必陷坑來滬力辭許道則以釐稅併辦或可挹彼注